

四庫全書

史部

欽定四庫全書

尚史卷八

世家一

鑲白旗漢軍李銘撰

魯世家上

始武王十三年終秦莊襄王元年
凡八百七十四年傳三十四世

伯禽 考公 煬公 幽公 魏公 厲公

獻公 真公 武公 懿公 伯御附 孝公

惠公

禽父者周公元子伯禽也

尚書大傳伯禽與康叔見周公三見而三答康叔有
駭色謂伯禽曰有商子者賢人也與子見之乃見商
子而問焉商子曰南山之陽有木焉名曰橋二三子
往觀之見橋實高高然而上反以告商子商子曰橋
者父道也南山之陰有木焉名曰梓二三子復往觀
焉見梓實晉晉然而循反以告商子商子曰梓者子
道也明日見周公入門而趨登堂而跪拂其首勞而
食之曰爾安見君子乎

武王終成王少周公相成公而使其子伯禽代就封於魯周公戒伯禽曰我文王之子武王之弟今王之叔父我於天下亦不賤矣然我一沐三捉髮一飯三吐哺起以待士猶恐失天下之賢人子之魯慎無以國驕人

荀子伯禽將歸於魯周公謂伯禽之傳曰汝將行盍志而子美德乎對曰其為人寬好自用以慎此三者其美德也已周公曰嗚呼以人惡為美德乎君子好以道德故其民歸道彼其寬也出無辨矣汝又美之

彼其好自用也是所以窶小也君子力如牛不與牛
爭力走如馬不與馬爭走知如士不與士爭知彼爭
者均者之氣也汝又美之彼其慎也是其所以淺也
聞之曰無越踰而見士見士問曰無乃不察乎不問
即物少至少至則淺彼淺者賤人之道也汝又美之
吾語汝吾于天下不賤矣然而所執贅而見者十人
還贅而相見者三十人貌執之士者百有餘人欲言
而請畢事者千有餘人吾僅得三士焉所以得三士

者亡于十人與三十人中乃在百人與千人之中故
上士吾薄為之貌下士吾厚為之貌人以我為越踰
好士故士至汝其以魯國驕人幾矣說苑成王封周
公周公辭不受乃封伯禽於魯將辭去周公戒之曰
吾聞之德行廣大而守以恭者榮土地博裕而守以
儉者安祿位尊盛而守以卑者貴人衆兵強而守以
畏者勝聰明睿知而守以愚者益博聞多記而守以
淺者廣此六者皆謙德也夫天道毀滿而益謙是以

衣成則缺衽宮成則缺隅屋成則加錯示不成者天道然也易曰謙亨君子有終吉詩曰湯降不遲聖敬日躋戒之哉子其無以魯國驕士矣又曰成王封伯禽為魯公召而告之曰爾知為人上之道乎凡處尊位者必以敬下順德規諫必開不諱之門擗節安靜以藉之諫者勿振以威勿格以言博采其辭乃擇可觀夫有文無武無以威下有武無文民畏不親文武俱行威德乃成既成威德民親以服清白上通巧佞

下塞諫者得進忠信乃畜伯禽再拜受命而辭按
伯禽受封時成王尚幼烏能識此邪說謬呂氏春秋
伯禽將行請所以治魯周公曰利而弗利也

伯禽之魯三年而後報政周公周公曰何遲也伯禽曰
變其俗革其禮喪三年然後除之故遲太公亦封於齊
五月而報政周公周公曰何疾也曰吾簡其君臣禮從
其俗為也及後聞伯禽報遲乃歎曰嗚呼魯後世其北
面事齊矣夫政不簡不易民不有近平易近民民必歸

之

呂氏春秋太公封於齊周公封於魯相謂曰何以治
國太公曰尊賢上功周公曰親親上恩太公曰魯自
此削矣周公曰魯雖削有齊者亦必非呂氏也說苑
伯禽與太公俱受封而之國三年太公來朝周公問
曰何治之疾也對曰尊賢先疏後親先義後仁此霸
者之迹也周公曰澤及五世五年伯禽來朝周公問
曰何治之難對曰親親先內後外先仁後義此王者

之迹也周公曰澤及十世

伯禽即位之後淮夷徐戎並興於是伯禽率師伐之于

費作費誓

史記

書序伯禽宅曲阜徐淮並興東郊不開作費誓孔傳

費魯郊之地名

公曰嗟人無譁聽命徂茲淮夷徐戎並興善穀乃甲冑

敵乃干無敢不弔備乃弓矢鍛乃戈矛礪乃鋒刃無敢

不善今惟淫舍牯牛馬杜乃獲敵乃甯無敢傷牯

言大故舍

牯牢之牛馬獲捕獸機檻當杜塞之穿
穿地陷獸當以土塞敎之無敢令傷牯之傷汝則有

常刑馬牛其風臣妾逋逃勿敢越逐祇復之我商賚汝

乃越逐不復汝則有常刑無敢寇攘踰垣墻竊馬牛誘

臣妾汝則有常刑甲戌我惟征徐戎峙乃糗糧無敢不

逮汝則有大刑魯人三郊三遂峙乃楨幹
題曰楨甲戌旁曰幹

我惟筭無敢不供汝則有無餘刑非殺魯人三郊三遂

峙乃芻茭無敢不多汝則有大刑

尚書

遂平徐戎定魯伯禽五十三年薨

帝王世紀

世紀伯禽以成王元年封在位四十六年康王十六年卒 按成王元年至康王十六年計五十三年所謂四十六年誤

子考公苒即位

系本作就或作道

考公四年薨弟熙即位

熙一作怡

是謂煬公煬公築茅闕門

史記

煬公六十年薨

漢書

史記煬公六年卒

按伯禽始封至真公十四年厲

王奔胤本紀世家通覈之魯系較周短六十四年蓋

煬公六十年謫而為六年耳今從漢書

子幽公宰即位

世本名圉

幽公十四年弟潰殺幽公而自立

是為魏公

系本潰作弟音沸魏作微

魏公五十年薨子厲公擢即位

系本作翟

厲公三十七年薨魯人立其弟具是為獻公獻公

三十六年薨

史記作三十二年漢書作五十年世紀作三十六年

今從世紀

子真公濩即位

真音慎系本作慎公摯鄒誕作慎公嗶漢書作慎公嗶

按史真公十四年厲王奔彘則真公元年當在厲王
二十四年獻公之薨在厲王十七年則真公元年上
距獻公薨時尚缺六年不敢臆補姑闕之

真公十四年王無道出奔彘共和行政二十八年厲王
崩宣王立三十年真公薨弟敖即位是為武公武公十
年春武公與長子括少子戲西朝王王愛戲欲立戲為
魯太子樊仲山甫諫曰不可立也不順必犯犯王命必
誅故出令不可不順也令之不行政之不立行而不順

民將棄上夫下事上少事長所以為順今天子建諸侯
立其少是教民逆也若魯從之諸侯效之王命將有所
雍若弗從而誅之是自誅王命也誅之亦失不誅亦失
王其圖之王弗聽卒立戲為魯太子夏歸而武公薨

漢書武公即位二年 按宣王紀十二年魯武公來
朝當在武公十年世家曰武公九年春來朝夏歸而
卒誤

戲即位是為懿公懿公九年懿公兄括之子伯御與魯

人攻弑懿公而立伯御為君伯御十一年王伐魯殺其
君伯御而問魯公子能道順諸侯者以為魯侯仲山甫
曰魯懿公弟稱肅恭明神敬事耆老賦事行刑必問於
遺訓而咨于固實不干所問不犯所知王曰然能訓治
其民矣乃立稱于夷宮

夷宮者宣王祖父夷王之廟古者爵命必于祖廟

是為

孝公自是諸侯多畔王命孝公十四年宣王崩子幽王
立二十五年諸侯畔周犬戎殺幽王

按年表幽王十一年為犬戎所殺當孝公之三十六

年者因以伯御在位之十一年通為孝公之年也孝
公實在位二十七年

諸侯立幽王子宜臼是為平王二十七年孝公薨子弗

湟即位

系本作弗皇

是為惠公惠公四十六年薨長庶子息

攝當國行君事是為隱公

史記

漢書惠公四十六年子隱公息立伯禽至春秋三百

八十六年

隱公

以下春秋

隱公息

世本名
息姑

惠公長庶子惠公元妃孟子孟子卒繼

室以聲子生隱公宋武公生仲子歸于我生桓公惠公
薨隱公立而奉之

史記惠公適夫人無子公賤妾聲子生子息息長為
娶于宋宋女至而好惠公奪而自妻之生子允登宋
女為夫人以允為太子及惠公卒為允少故魯人令
息攝政索隱經傳不言惠公無道左史文亦分明大
史公何據而為此說譙周亦不信

隱公元年春三月公及邾儀父盟于蔑夏四月費伯大

帥師城郎秋七月王使宰咺來歸惠公仲子之賵

左傳王使宰咺歸公仲子之賵緩且子氏未薨故名

又曰贈死不及尸弔生不及哀豫凶事非禮也公羊

仲子桓之母穀梁仲子惠公母孝公妾 詳魯傳

九月及宋人盟于宿冬十月改葬惠公公弗臨

惠公之薨有宋

師葬故有闕是以改葬以桓為大子故隱公讓而不敢為喪主衛侯來會葬不見公新

作南門十二月周祭伯來公子益師卒二年春公會戎

于潛司空無駭帥師入極

極附庸小國

秋八月公及戎盟于

唐冬十有二月夫人子氏薨

公羊子氏隱公母穀梁隱公妻

詳魯傳

三年春三月平王崩桓王立夏四月尹氏卒

左傳作君氏聲子也不赴于諸侯不反哭于寢不祔
于姑故不曰薨不稱夫人故不言葬不書姓為公故
曰君氏公羊傳尹氏天子之大夫也 按左氏傳尹

氏作君氏以為隱公母聲子為公故曰君氏是變文

書之以成公之志也然以夫人子氏為桓公母仲子之說不通則子氏非隱母即隱妻也子氏為隱母隱妻則君氏不得為隱母矣公羊作尹氏以為天子之大夫天王崩諸侯之主故卒之然終春秋唯卒王子虎劉卷尹氏何所系而獨卒之竊意隱公之見獲于鄭也囚諸尹氏賂尹氏而禱于其主鍾巫遂與尹氏歸而立其主然則尹氏者或即鄭大夫既歸魯當視魯大夫且德之故卒之未可知也

周武氏子來求聘

王未葬故

四年夏公及宋公遇于清秋公

子翬帥師會宋公陳侯蔡人衛人伐鄭

宋公來乞師公辭之翬固請而

行五年春公矢魚于棠公子彊諫

即臧僖伯

不聽秋九月考

仲子之宮初獻六羽

諸侯無二嫡隱公成父之志為仲子別立宮

鄭伐宋宋

使來告命公將救之問于使者曰師何及對曰未及國

公怒乃止冬十二月公子彊卒公曰叔父有憾于寡人

恨諫觀魚不聽

寡人弗敢忘葬之加一等六年春鄭人來渝平

和而不盟曰平公為公子戰于狐壤為鄭所執逃歸怨鄭鄭伐宋公怒宋使者不赦宋鄭因此而來渝平

夏五月公會齊侯盟于艾冬京師來告饑公為之請糴

于宋衛齊鄭七年夏城中邱齊侯使其弟夷仲年來聘

秋公伐邾冬天王使凡伯卿來聘八年春三月鄭伯使

宛來歸祊庚寅戎入祊鄭伯請釋泰山之祀而祀周公以泰山之祊易許田許田成王

賜周公朝宿之邑後立周公別廟祊鄭助祭泰山湯沐之邑鄭以天子不能復巡守故欲以防易許田各從本

國之秋九月公及莒人盟于浮來成紀好也二年紀莒所近

魯故今冬十有二月無駭卒九年春天王使南季天子公尋之

來聘三月扶卒魯大夫夏城郎冬公會齊侯于祊謀伐宋十

年公會齊侯鄭伯于中邱夏公子翬帥師會齊人鄭人
伐宋六月公會齊侯鄭伯于老桃壬戌敗宋師于菅辛
未取郕辛巳取防十一年春薛侯滕侯來朝爭長薛曰
我先封滕曰我周之卜正也不可以後之公使公子翬
請于薛曰君與滕君辱在寡人周諺有之曰山有木工
則度之賓有禮主則擇之周之宗盟異姓為後寡人若
朝于薛不敢與諸任齒君若辱貺寡人則願以滕君為
請薛侯許之乃長滕侯夏公會鄭伯于時來

即郕謀
伐許秋

七月公及齊侯鄭伯入許齊侯以許讓公公曰君謂許不共故從君討之許既伏其罪矣雖君有命寡人弗敢與聞乃與鄭人公子翬請殺桓公將以求大宰公曰為其少故也吾將授之矣使營菟裘吾將老焉翬懼反譖

公于桓公而請弑之公之為公子也與鄭人戰于狐壤

止焉

內諱獲故言止

鄭人囚諸尹氏賂尹氏而禱于其主鍾巫

遂與尹氏歸而立其主冬十一月公祭鍾巫齊于社圃

館于寯氏翬使賊弑公于寯氏而立桓公

左傳

公在位十一年謚曰隱

桓公

桓公名軌

史記名允

惠公太子元年春正月公即位三月公

會鄭伯于垂鄭伯以璧假許田

公修好于鄭鄭人請復祀周公卒易祊

夏

四月公及鄭伯盟于越

結祊成也

二年春滕子來朝三月公

會齊侯陳侯鄭伯于稷以成宋亂

宋賢弑其君與夷

宋以郕大

鼎賂公夏四月取郕大鼎納于大廟秋七月杞侯來朝

不敬九月入杞

討不敬也

公及戎盟于唐

修舊好也

三年春正月

公會齊侯于贏成昏于齊夏六月公會杞侯于郕秋公

子翬如齊逆女齊侯送姜氏于謹公會齊侯于謹夫人

姜氏至自齊冬齊侯使其弟年來聘

致夫人也

四年春正月

公狩于郎夏天王使宰渠伯糾來聘五年夏天王使仍

叔之子來聘城祝邱

齊鄭將襲紀故

六年春正月州公賈來夏

四月公會紀侯于成

紀來諸謀齊難

北戎伐齊諸侯救之鄭公

子忽有功焉齊人餽諸侯使魯次之魯以周班後鄭鄭

人怒我懼秋八月大閱九月子同生冬紀侯來朝

請王命以

求成于齊
公告不能

七年春二月焚咸邱

大田也公羊穀梁並曰邾邑以大攻也

夏

穀伯綏鄧侯吾離來朝八年天王使家父來聘冬十月

祭公來遂逆王后于紀

王使魯主昏故來受命

九年冬曾伯使其

世子射姑來朝賓之以上卿十年秋公會衛侯于桃邱

弗遇鄭人怒我請師于齊齊以衛師助之冬十二月齊

侯衛侯鄭伯來戰于郎十一年柔

大夫會宋公陳侯蔡叔

盟于折公會宋公于夫鍾冬又會于闕十二年夏六月

公會杞侯莒子盟于曲池公欲平宋鄭秋七月公會宋

公燕人盟于穀邱宋成未可知也故又會于虛冬又會于龜宋公辭平故與鄭伯盟于武父十二月及鄭師伐宋戰于宋十三年春二月公會紀侯鄭伯及齊侯宋公衛侯燕人戰齊宋衛燕敗績鄭人來請修好十四年春正月公會鄭伯于曹夏鄭伯使其弟語來盟十五年春二月天王使冢父來求車三月桓王崩于莊王立夏五月公會齊侯于艾

許叔入于許謀定之

邾人牟人莒人來朝鄭伯

哭出奔蔡入于櫟冬公會宋公衛侯陳侯于袤伐鄭將

納厲公弗克而還十六年公會宋公蔡侯衛侯于曹

謀伐

鄭夏會伐鄭冬城向十七年春正月公會齊侯紀侯盟

于黃二月公會邾儀父盟于趙

尋蔑盟蔑盟在隱元年

夏及齊師

戰于奚疆事也齊人侵魯疆疆吏來告公曰疆場之事

慎守其一而備其不虞姑盡所備焉事至而戰又何謂

焉十八年春正月公將有行遂與姜氏如齊申繻諫不

聽公會齊侯于濞遂及文姜如齊齊侯通焉公諫之以

告夏四月丙子享公使公子彭生乘公公薨于車魯人

告于齊曰寡君畏君之威不敢寧居來修舊好禮成而不反無所歸咎惡于諸侯請以彭生除之齊人殺彭生

冬十二月葬桓公

左傳

公在位十八年謚曰桓

莊公

莊公桓公太子桓公六年九月丁卯公生以太子之禮

舉之接以大牢卜士負之士妻食之

禮世子生三日卜士負之射人以黍

弧蓬矢射天地四方卜士之妻為乳母

公與文姜宗婦命之

世子生三月君夫人沐浴

于外寢立于阼階西鄉世婦抱子升自西階君命之乃降公問名于申繻對曰不以

國不以官不以山川不以隱疾不以畜牲不以器幣公

曰是其生也與吾同物命之曰同桓公薨于齊公即位

元年春三月魯人責文姜文姜孫于齊尋復歸魯

經書不傳

夏單伯

天子卿

送王姬

將嫁女子齊命魯為主

秋築王姬之館于外

桓公之薨魯不能饗齊又喪制未闋故異其禮

冬十月王使榮叔

周大夫

來錫桓

公命二年夏公子慶父帥師伐于餘邱

國名

冬十二月文

姜會齊侯于禚三年春正月溺

大夫

會齊師伐衛冬公次

于滑將會鄭伯謀紀

齊欲滅紀故

四年春正月文姜享齊侯

于祝邱冬公及齊人狩于禚五年夏文姜如齊師秋邾

犁來來朝冬公會齊宋陳蔡伐衛納惠公六年冬齊人

來歸衛寶文姜請之也七年春文姜會齊侯于防冬又

會于穀八年春正月將伐邾師次于郎以俟陳人蔡人

甲午治兵夏師及齊師圍邾邾降于齊師仲慶父請伐

齊師公曰不可我實不德齊師何罪罪我之由夏書曰

皋陶邁種德德乃降姑務修德以待時乎秋師還齊無

知弑襄公公子糾來奔九年春齊人殺無知公及齊大
夫盟于莒夏公伐齊納子糾齊小白入于齊秋八月及
齊師戰于乾時我師敗績公喪戎路傳來而歸乃殺子
糾于生竇十年春正月齊師伐我戰于長勺齊師敗績
二月公侵宋夏六月齊師宋師次于郎公子偃犯宋師
公從之大敗宋師于乘邱齊師乃還十一年夏五月宋
侵我公禦之敗諸鄆秋宋大水公使弔之冬齊侯來逆
共姬

王姬也
魯主昏

十二年莊王崩

經傳
不書

子僖王立十三年冬

公會齊侯盟于柯十五年夏文姜如齊十六年冬十二

月會諸侯

齊宋陳衛鄭許滑滕

同盟于幽十七年僖王崩

經書不傳

孫

惠王立十八年夏我侵我公追我于濟西十九年秋公

子結

大媵

陳人之婦于鄆遂及齊侯宋公盟文姜如莒

周王子頹伐王不克出奔溫衛師燕師伐周立子頹二

十年春王處于鄭二月文姜如莒二十一年春鄭伯虢

叔同伐王城殺王子頹納王秋七月文姜薨二十二年

春正月肆大青葬我小君文姜秋七月及齊高傒盟于

防冬公如齊納幣

結昏于齊而親納幣

二十三年春周祭叔來聘

夏公如齊觀社曹劄諫不聽荆人來聘公及齊侯遇于

穀秋丹桓宮楹冬十二月公會齊侯盟于扈二十四年

春三月刻桓宮桷夏公如齊逆女秋八月夫人姜氏入

哀姜也

大夫宗婦覲用幣二十五年春陳女叔來聘冬公

子友如陳二十六年春公伐戎秋公會宋人齊人伐徐

二十七年春公會杞伯姬

女公

于洮夏六月公會諸侯

齊宋

鄭同盟于幽秋公子友如陳葵原仲冬杞伯姬來莒慶

莒大來逆叔姬公女杞伯來朝公會齊侯于城濮二十八

年秋荆伐鄭公會齊人宋人救鄭冬築郕大無麥禾臧

孫辰告糴于齊二十九年春新延廡

書不時也凡馬日中而出日中而入

日中春秋分也冬十二月城諸及防三十年夏次于成

將卑師少故曰

次齊將降郭故設備

冬公及齊侯遇于魯濟

謀山戎也

三十一年春築

臺于郎夏築臺于薛六月齊侯來獻戎捷秋築臺于秦

三十二年春城小穀

為管仲也公戚其德故城其私邑

秋八月公薨于

路寢公疾問後于叔牙對曰慶父材問于季友對曰臣

以死奉般

莊公

公曰鄉者牙曰慶父材季友乃酖殺叔

牙立子般冬十月慶父賊子般季友奔陳慶父懼出適

齊國人立庶子啟方是為閔公

公在位三十二年謚曰莊

閔公

閔公名啓方

史記作閔

莊公庶子子般遇弑公即位年八歲

杜預注

元年夏六月葬莊公子般之弑也季友奔陳秋八月公

及齊侯盟于落姑請復季友齊侯許之召諸陳公次于

郎以待之季友來歸冬齊仲孫湫來

省難故公羊穀梁並以齊仲孫為公

子慶父非是

二年夏五月吉禘于莊公

三年喪畢致新主于廟遠主遷祧因是大

祭以審昭穆謂之神莊公喪制未闕時別立廟廟成而吉祭不於大廟

秋八月公薨初公

傳奪卜

大田

公不禁慶父使卜齎賊公于武闡季友

以公庶兄申適邾慶父奔莒乃入立之季友求慶父于

莒慶父縊而死慶父通于哀姜哀姜欲立之公之死也

哀姜與知之九月哀姜孫于邾冬齊高傒來盟

左傳

公羊傳桓公使高子將南陽之甲立僖公而城魯

公在位二年謚曰閔

僖公

僖公名申莊公之子閔公庶兄也母曰成風公子友之將生也桓公使卜楚邱之父卜之曰男也其名曰友在公之右間于兩社為公室輔季氏亡則魯不昌成風聞公子友之繇乃事之而屬公焉故友立之元年秋八月公會諸侯

齊宋鄭曹邾

于櫓九月公敗邾師于偃虛邱之戍

將歸者也

虛邱邾地邾人既送哀姜還齊人殺哀姜邾人因戍虛邱欲以侵魯至是歸公要而敗之

冬莒人來求賂

求還慶父之賂

公子友敗諸郈獲莒子之弟棼

哀姜之孫于邾也齊人取而殺之于夷以其尸歸公請

而葬之冬十二月哀姜之喪至自齊二年夏五月葬我

小君哀姜三年齊侯為陽穀之會來尋盟

秋會于陽穀謀伐楚

公子友如齊涖盟四年春正月公會諸侯

齊宋陳衛鄭許曹侵

蔡蔡潰遂伐楚次于陘楚屈完來盟于師盟于召陵冬

公孫茲會諸侯之師

齊宋衛陳許曹

侵陳陳成五年春杞伯姬

來朝其子夏公孫茲如年娶焉公及諸侯

齊宋陳衛鄭許曹

會

王世子于首止秋八月諸侯盟于首止鄭伯逃歸不盟

惠王將廢大子鄭而立王子帶故齊桓帥諸侯會大子以定其位

六年夏公會諸侯

齊宋

陳衛伐鄭圍新城七年夏小邾子來朝秋七月公會諸

侯

齊宋陳鄭

盟于甯母

謀鄭故

公子友如齊聘閏月惠王崩襄

王惡大叔帶之難懼不立不發喪八年春正月公會王

人諸侯

齊宋衛許曹陳

盟于洮鄭伯乞盟

請服也

襄王定位而後

發喪九年夏公會宰周公諸侯

齊宋衛鄭許曹

于葵邱秋九月

諸侯盟于葵邱十年春正月公如齊十一年公及夫人

姜氏會齊侯于陽穀十三年夏公會諸侯齊宋陳衛鄭許曹于

鹹淮夷病杞故且謀王室冬公子友如齊十四年夏六

月季姬及鄆子遇于防使鄆子來朝季姬魯女鄆夫人也季姬來寧公怒

止之以鄆子之不朝也夏遇于防而十五年春正月公使來朝公羊非使來朝使來請已也

如齊楚人伐齊三月公會諸侯齊宋陳衛鄭許曹盟于牡邱謀

徐遂次于匡公孫敖帥師及諸侯之大夫救徐十六年

春三月公子友辛秋七月公孫茲卒冬十二月公會諸

侯

齊宋陳衛鄭許邢曹

于淮

謀鄭且東畧也鄭為淮夷所病故

十七年夏滅項淮

之會公有諸侯之事未歸而取項齊人以為討止公

公羊

救梁並作齊滅項

秋夫人姜氏會齊侯于卞

聲姜會齊以請公

九月公

至自齊十八年春正月宋曹衛邾伐齊夏師救齊十九

年冬會陳蔡楚鄭盟于齊

修桓公之好也楚始與夏盟

二十年春新

作南門夏郕子來朝

姬姓國

二十一年夏大旱公欲焚巫

尫臧孫辰諫從之邾人滅須句須句子來奔

須句大隸之後戚風

僖公之母須句之女故因之

冬公伐邾二十二年春公伐邾取須句

反其君秋八月及邾人戰于升陘我師敗績二十四年

夏王子帶以狄師攻王王出居于鄭冬王使來告難曰

不穀不德得罪于母弟之寵子帶鄙在鄭地汜敢告叔

父臧孫辰對曰天子蒙塵于外敢不奔問官守二十五

年夏四月王入于王城殺王子帶冬十二月公會衛子

莒慶盟于洮

衛人平莒于洮也

二十六年春正月公會莒子衛

甯速盟于向

尋洮之盟

齊人侵我西鄙公追齊師至鄆弗及

夏齊人伐我北鄙衛人伐齊公使展喜犒師齊師乃還

公子遂臧孫辰如楚乞師辰見得臣

楚大夫

道之伐齊宋

冬楚伐宋圍緡公以楚師伐齊取穀寘桓公子雍于穀

易牙奉之以為魯援二十七年春杞子來朝公卑杞杞

不共也秋公子遂帥師入杞冬十二月公會諸侯

楚陳蔡鄭

許盟于宋二十八年春晉伐衛公子買戍衛楚人救衛

不克公懼于晉殺買謂楚人曰不卒戍也夏五月公會

諸侯

晉齊宋蔡鄭衛莒

盟于踐土陳侯如會公朝于王所

王在踐土

秋公子遂如齊冬公會諸侯

晉齊宋蔡鄭陳莒邾秦

于溫天王狩

于河陽公朝于王所諸侯遂圍許二十九年春介葛盧

來朝夏公會王子虎諸侯之大夫

晉宋齊陳秦

盟于翟泉

踐尋

土之盟且謀伐鄭

冬介葛盧來三十年冬天王使宰周公來聘

公子遂如京師遂如晉三十一年春取濟西田公子遂

如晉三十三年春齊使國歸父來聘夏公伐邾取訾婁

秋公子遂帥師伐邾冬十月公如齊十二月公薨于小

寢

左傳

在位三十三年諡曰僖

文公

文公名興僖公之子也元年春正月公即位二月天王使叔服來會葬夏四月葬僖公天王使毛伯來錫公命叔孫得臣如京師秋公孫教會晉侯于戚冬十月公孫教會如齊二年春二月作僖公主三月晉以公不朝來討

公如晉夏四月及晉處父盟六月公孫教會諸侯

宋陳鄭

晉士穀盟于垂隴秋八月大事于大廟躋僖公

大事禘也躋僖

公子閔公上送祀也

冬公子遂如齊納幣三年春正月叔孫得臣

會晉宋陳衛鄭伐沈沈潰夏五月王子虎卒冬公如晉

及晉侯盟四年夏逆婦姜于齊秋衛使甯俞來聘冬十

一月夫人成風薨五年春正月王使榮叔歸含且賵三

月葬我小君成風王使召伯來會葬

公羊作毛伯

夏公叔敖

如晉六年夏季孫行父如陳

聘于陳且娶焉

秋季孫行父如晉

冬十月公子遂如晉葬晉襄公七年春公伐邾三月取

須句寘邾文公子

文公子叛在魯故公使為守須句大夫

遂城郕夏狄侵

我西鄙秋八月諸侯

齊宋衛陳鄭許曹

晉大夫

趙盾

盟于扈

晉靈公立

故公後至冬公孫敖如莒蒞盟

徐伐莒莒人來請盟

八年秋八月

襄王崩子頃王立晉人以扈之盟來討冬公子遂會晉

趙盾盟于衡雍公子遂會雒戎盟于暴公孫敖如京師

不至而奔莒宋殺其大夫司馬司城蕩意諸來奔公以

其官逆之皆復之

御達從大夫公賢其効節故以本官逆之

九年春周毛伯

衛來求金二月叔孫得臣如京師葬襄王楚伐鄭公子

遂會晉宋衛許救鄭冬楚使越椒來聘秦人來歸僖公

成風之祔十年春三月臧孫辰卒秋七月及周蘇子盟

于女栗

項王立故

十一年夏叔仲彭生會晉郤缺于承筐

諸

侯之從于楚者

秋曹伯來朝公子遂聘于宋狄侵齊遂伐我冬

十月叔孫得臣敗狄于鹹十二年春正月邲伯來奔

邲伯

辛邲人立君太子奔公以諸侯禮逆之

杞伯來朝秋滕伯來朝秦使西乞

術來聘

將伐晉故

冬十二月季孫行父帥師城諸及鄆十三

年秋七月大室屋壞冬公如晉衛侯會公于沓

請平于晉

公

還自晉鄭伯會公于斐

亦請平于晉公皆成之

十四年春頃王崩

子匡王立邾伐我叔仲彭生帥師伐邾夏六月公會諸

侯

宋衛鄭許
曹晉趙盾

同盟于新城

侵楚者服且
謀納邾捷菑

秋九月公孫敖

卒于齊宋子哀來奔冬齊人執子叔姬

叔姬魯女齊侯
舍之母公子商

人弑舍公子遂請以王寵求子叔姬冬
單伯如齊請齊人執之又執子叔姬

十五年春季孫

行父如晉

為單伯與
子叔姬故

夏曾伯來朝六月周單伯至自齊

齊人許單伯請而赦之使來致命

秋齊人侵我西鄙季孫行父如晉冬十二月齊人來歸

子叔姬齊侯侵我西鄙遂伐曾

討其
朝魯

十六年春季孫行

父會齊侯于陽穀齊侯弗及盟

及齊平公有疾使行父會于陽穀請盟齊侯曰請俟君間

夏五月公四不視朔六月公子遂及齊侯盟于鄆邱秋

八月夫人聲姜薨

文公母

毀泉臺

有蛇自泉宮出如先君之數八月聲姜薨毀泉臺

十七年夏四月齊侯伐我北鄙六月公及齊侯盟于穀

冬十月公子遂如齊

拜穀之盟

十八年春二月公薨于臺下

夏六月葬我君文公

左傳

在位十八年謚曰文

宣公

宣公名倭一名接

又作倭

文公取于齊曰出姜出姜生大

子惡及弟視二妃敬嬴生宣公敬嬴嬖而私事公子遂

宣公長而屬諸遂遂欲立之叔仲彭生不可文公十八
年薨秋公子遂叔孫得臣如齊遂見于齊侯而請之齊
侯新立欲親魯許之冬十月遂殺惡及視而立宣公召
叔仲彭生而殺之出姜歸于齊季孫行父如齊元年春

正月公即位公子遂如齊逆女三月遂以夫人婦姜至

自齊夏季孫行父如齊

納賂以請會

公會齊侯于平州

篡立者諸侯既與之會則不得復討故會侯以定公

位

夏六月齊人取濟西田

賂齊也

秋邾子來朝二年匡王崩

弟定王立四年春正月公及齊侯平莒及郟莒人不肯

公伐莒取向秋公如齊五年春公如齊高固使齊侯止

公請叔姬秋九月齊高固來逆叔姬叔孫得臣卒冬齊

高固及子叔姬來

反馬也禮送女留其送馬謙不敢自安三月廟見遣使反馬

七年春衛侯使孫良夫來盟夏公會齊侯伐萊冬公會

諸侯

晉宋衛鄭曹

于黑壤晉侯

成

之立也公不朝又不使大

夫聘晉人止公于會盟于黑壤公不與盟以賂免八年

夏六月公子遂如齊至黃乃復卒于垂夫人敬嬴薨

宣公

母冬十月葬我小君敬嬴城平陽九年春正月公如齊

王使來徵聘夏仲孫蔑如京師秋取根牟

東夷國

十年春

公如齊齊人歸我濟西田

以我服故

夏齊惠公卒公如齊六

月公孫歸父如齊葬齊惠公秋天王使王季子來聘公

孫歸父帥師伐邾取繹季孫行父如齊冬公孫歸父如

齊

伐邾故

齊侯使國佐來聘十一年夏公孫歸父會齊人

伐莒十四年冬公孫歸父會齊侯于穀楚圍宋仲孫蔑

言于公曰小國之免于大國也聘而獻物令楚在宋君

其圖之公說十五年春公孫歸父會楚子于宋秋仲孫

茂會齊高固于無婁初稅畝

公田之法十取其一今又履其餘畝復十收其一

十七年夏六月公會諸侯

晉衛
曹邾

同盟于斷道冬公弟叔

肸卒十八年春公伐杞夏公使如楚乞師欲以伐齊秋

公孫歸父如晉謀以晉人去三桓以張公室冬十月公

薨于路寢歸父奔齊

左傳

公在位十八年諡曰宣

尚史卷八

欽定四庫全書

史部

尚史卷十九

編修臣錢樾覆勘

總校官檢討臣何思鈞

東坡印庫全書

尚史卷九

世家二

鑲白旗漢軍李錯撰

魯世家下

成公

成公名黑肱宣公于元年春正月公即位二月葬宣公

三月作邱甲

周禮十六井為邱出戎馬一匹牛三頭四邱為甸出

長轂一乘戎馬四匹牛十一頭甲士三人步卒七十

二人今使邱出甸賦

夏臧孫許及晉侯盟于赤棘

間齊將出楚師

秋王師敗績于茅

戎來告敗二年春齊侯伐我北鄙取龍遂侵棠邱夏六

月季孫行父臧孫許叔孫僑如公孫嬰齊師師會晉衛

曹及齊侯戰于鞌齊師敗績秋七月及齊國佐盟于袁

婁公會晉師于上鄆賜三帥

卻克士燮樂書也

先路三命之服

司馬司空輿帥侯正亞旅皆受一命之服八月取汶陽

田晉使齊
歸我

初宣公求好于楚莊王卒宣公薨不克作好

公即位受盟于晉會晉伐齊故楚救齊冬楚師侵衛遂

侵我師于蜀使臧孫許往辭曰楚固將退矣楚侵及陽

橋仲孫蔑請往賂之以執斲執鍼織紵皆百人公衡成

子為質以請盟楚人許平冬十一月公會楚公子嬰齊

于蜀丙申公及諸侯之大夫楚秦宋陳衛鄭
齊曹邾薛鄆盟于蜀楚

師及宋公衡逃歸三年春正月公會諸侯晉宋
衛曹伐鄭二

月新宮災宣公
廟三日哭夏公如晉拜汶陽
之田秋叔孫僑如

帥師圍棘

汶陽田之邑棘不服故

冬十一月晉侯使荀庚來聘衛

侯使孫良夫來聘

并尋宣七年盟

丙午及荀庚盟丁未及孫良

夫盟四年春宋公使華元來聘

宋共公立通嗣君也

三月杞伯來

朝夏四月臧孫許卒公如晉晉侯見公不敬秋公至自

晉欲求成于楚而叛晉季孫行父諫乃止冬城鄆五年

春正月杞叔姬來歸仲孫蔑如宋

報華元也

夏叔孫僑如會

晉荀首于穀冬十一月定王崩子簡王立十二月公會

諸侯

晉齊宋衛鄭曹邾杞

同盟于蟲牢

鄭服也

六年春二月立武宮

以軍功取鄆

附庸

夏六月邾子來朝公孫嬰齊如晉秋仲

孫蔑叔孫僑如帥師侵宋

晉命也

冬季孫行父如晉

賀建新田

七年夏五月曹伯來朝秋楚伐鄭公會諸侯

晉齊宋衛曹莒邾杞

救鄭八月同盟于馬陵

尋姦牢盟且苦服故

八年春晉侯使韓穿

來言汶陽之田歸之于齊公孫嬰齊如莒宋公使華元

來聘

聘共姬

夏宋公使公孫壽求納幣秋七月天王使召

伯來賜公命

諸侯即位天子賜以命圭與之合瑞

冬十月杞叔姬卒晉侯

使士燮來聘

言伐鄭也

叔孫僑如會晉齊邾伐邾衛人伐滕

滕宋共姬九年春正月杞伯來逆叔姬之喪以歸公會諸侯

晉齊宋衛鄭曹莒杞同盟于蒲歸齊汶陽之二月伯姬歸于宋夏

季孫行父如宋致女晉人來媵冬十一月城中城十年

夏五月公會諸侯晉齊宋衛曹伐鄭晉執鄭伯鄭立大子髡

晉景公卒秋公如晉晉人止公使送葬十一年春三月

晉侯使卻犇來聘及卻犇盟晉人以公貳于楚故止公

聘且夏季孫行父如晉秋叔孫僑如如齊十二年夏公

會諸侯晉衛于瑣澤宋合晉楚十三年春晉侯使卻錡來

之成故

乞師

將伐
秦也

三月公如京師夏五月公自京師遂會諸侯

晉齊宋衛
鄭曹邾滕

伐秦十四年秋叔孫僑如如齊逆女九月僑

如以夫人婦姜氏至自齊十五年春三月仲嬰齊卒公

會諸侯

晉衛鄭曹
宋齊邾

同盟于戚

討曹
成公

冬十一月叔孫僑如

會諸侯之大夫

晉齊宋
衛鄭邾

會吳于鍾離

始通
吳

十六年夏晉

伐鄭使欒黶來乞師鄭聞之使告于楚楚救鄭六月戰

于郕陵楚鄭敗績戰之日公出于壞隕會叔孫僑如通

于穆姜

成公
母

欲去季孫行父仲孫蔑而取其室將行穆

姜送公使逐行父蔑公待于壞墮申宮傲備設守而後

行是以後僑如賂晉卻犇訴公于晉秋公會諸侯

晉齊衛宋

邾

于沙隨

謀伐鄭也

晉侯不見公七月公會周尹子及諸侯

晉齊邾

伐鄭將行穆姜又命公如初公又申守而行諸侯

之師次于鄭西我師次于督揚不敢過鄭請逆于晉師

師至諸侯遷于制田又遷于潁上鄭宵軍之宋齊衛皆

失軍叔孫僑如又譖季孟于卻犇九月晉人執季孫行

父舍之于荅邱公還待于鄆使公孫嬰齊請行父于晉

晉許魯平赦行父冬十月叔孫僑如出奔齊十二月季

孫行父及晉卻犇盟于扈歸刺公子偃

偃公庶弟與謀故魯殺大夫皆

言刺義取周禮三刺之法

十七年夏公會周尹子單子及諸侯

晉齊宋衛

齊伐鄭六月同盟于柯陵

尋戚盟

楚救鄭諸侯還九月晉

侯使荀罃來乞師

復伐鄭

冬公會周單子及諸侯

前諸侯伐

鄭十月圍鄭楚救鄭諸侯還十八年春公如晉

朝嗣君悼公

晉侯使士匄來聘秋杞伯來朝八月邾子來朝築鹿囿

公薨于路寢冬十二月葬成公

左傳

在位十八年諡曰成

襄公

襄公名午成公子成公十八年薨公即位年四歲是年

夏楚鄭侵宋納宋魚石入于彭城冬晉侯使士魴來乞

師十二月仲孫蔑會諸侯

晉宋衛
邾齊

同盟于虛打

謀救
宋

襄

公元年春仲孫蔑會諸侯之大夫

晉宋衛曹
莒邾滕薛

圍宋彭城

夏晉伐鄭蔑會齊曹邾莒次于鄆以待晉師晉以鄆之

師侵楚焦夷及陳秋九月簡王崩子靈王立邾子來朝

冬衛公孫剽晉荀螢來聘二年夏五月齊姜薨

襄公適母秋

七月仲孫蔑會諸侯之大夫

晉宋衛曹邦

于戚

鄭叛晉故

己丑葬

齊姜齊侯使諸姜宗婦來送葬叔孫豹如宋冬仲孫蔑

會諸侯之大夫

晉齊宋衛曹邦滕薛小邦

于戚遂城虎牢鄭人乃成

三年春公如晉夏公及晉侯盟于長樗六月公會周單

子及諸侯

晉宋衛鄭莒邾齊

同盟于雞澤陳侯使袁僑如會戊

寅叔孫豹及諸侯之大夫及陳袁僑盟四年夏叔孫豹

如晉

報荀螢聘

秋七月定姒薨

襄公母

八月葬定姒冬公如晉

請屬鄆許之邾人莒人伐鄆臧孫紇救鄆侵邾敗于狐

貽五月夏鄭伯使公子發來聘叔孫豹鄆世子巫如晉

以成屬鄆也仲孫蔑衛孫林父會吳于善道秋九月公

會諸侯

晉宋陳衛鄭曹莒
邾滕薛齊吳鄆

于戚

會吳也

冬戊辰十一月楚

伐陳公會諸侯

晉宋衛
鄭曹齊

救陳季孫行父卒六年秋滕子

來朝冬叔孫豹如邾聘莒滅鄆晉人來討季孫宿如晉

見且聽命七年春邾子來朝夏四月小邾子來朝季氏

城費

季氏
始強

秋季孫宿如衛

報公孫
剽之聘

冬十月衛使孫林父

來聘壬戌及孫林父盟楚圍陳十二月公會諸侯

晉宋陳衛

曹莒邾

于鄆以救陳八年夏五月季孫宿會諸侯及諸侯

之大夫

晉侯鄭伯齊宋衛邾

于邢邱莒人伐我東鄙

疆節田也

冬晉侯

使士匄來聘告將伐鄭九月夏季孫宿如晉

報聘也

五月

穆姜薨于東宮

成公母穆姜淫僞如故徙居東宮事在成十六年

秋八月葬穆

姜冬十月公會諸侯

晉宋衛曹莒邾滕薛杞小邾齊

伐鄭十二月同盟

于戲公送晉侯晉侯宴公于河上問公年季孫宿對曰

會于沙隨之歲寡君以生晉侯曰十二年矣是謂一終

一星終也

歲星十二
歲一周天

國君十五歲而生子冠而生子禮

也大夫盍為冠具宿對曰君冠必以裸享之禮行之以

金石之樂節之以先君之祧處之今寡君在行未可具

也請及兄弟之國而假備焉晉侯曰諾公還及衛冠于

成公之廟假鐘磬焉禮也十年春公會諸侯

晉宋衛曹
莒邾滕薛

杞小
邾齊

會吳于祖夏五月遂滅偃陽

姒姓
國

秋七月楚鄭侵

我西鄙還克蕭

宋邑

莒人伐我東鄙公會諸侯

前諸
侯

伐鄭

諸侯之師城虎牢而戍之會楚救鄭諸侯之師還鄭而

南至陽陵侵鄭北鄙而歸十一年春正月季孫宿作三

軍三分公室而各有其一夏四月公會諸侯

前諸侯

伐鄭

鄭成秋七月同盟于亳城北楚鄭伐宋九月公會諸侯

前諸侯

復伐鄭鄭成冬十二月會于蕭魚十二年春莒人

伐我東鄙圍台季孫宿救台遂入鄆夏晉士魴來聘且

拜師冬公如晉朝且拜聘十三年夏取邾

小國邾亂分為三遂取之

冬城防十四年春正月季孫宿叔老會諸侯之大夫

齊晉

宋衛鄭曹莒邾滕薛杞小邾

會吳于向

為吳謀楚也

夏四月叔孫豹會諸

侯之大夫

晉齊宋衛鄭曹莒
邾滕薛杞小邾

伐秦衛孫林父出具君獻

公立公孫剽公使厚孫瘠弔于衛衛侯在萊臧孫紇如

齊唁冬季孫宿會諸侯之大夫

晉宋衛
鄭莒邾

于戚

謀定
位也

十五

年春宋向戌來聘二月及向戌盟于劉夏齊侯伐我北

鄙圍成公救成至遇季孫宿叔孫豹城成郛秋邾人伐

我南鄙十六年春三月公會諸侯

晉宋衛鄭曹莒
邾滕薛杞小邾

于溴

梁戊寅大夫盟齊侯伐我北鄙夏五月叔老會鄭伯及

晉衛宋伐許秋齊侯伐我北鄙圍郛冬叔孫豹如晉聘

且言齊故十七年秋齊侯伐我北鄙圍桃高厚伐我北

鄙圍防冬邾人伐我南鄙

為齊故

十八年春白狄來秋齊

師伐我北鄙冬十月公會諸侯

晉宋衛鄭曹莒邾滕薛杞小邾

同圍齊

平陰齊師遁十一月入平陰遂東侵及濰南及沂十九

年春正月諸侯

前諸侯

盟于祝柯晉人執邾子以其伐我

故遂次泗上疆我田取邾田自漑水歸之于我晉侯先

歸公享晉六卿于蒲圃賜之三命之服軍尉司馬司空

與尉侯奄皆受一命之服賄荀偃束錦加璧采馬先吳

壽夢之鼎季孫宿如晉拜師宿作林鐘銘魯功秋八月

仲孫蔑卒冬城西郭叔孫豹會晉士匄于柯城武城

齊懼

也二十年春正月仲孫速會莒人盟于向

及莒平

夏六月

公會諸侯

晉齊宋衛鄭曹莒邾滕薛杞小邾

盟于澶淵秋仲孫速伐邾

叔老如齊冬季孫宿如宋

報十五年向戌之聘

二十一年春正月

公如晉拜師及取洙田邾庶其以漆間邱來奔冬十月

曹伯來朝公會諸侯

晉齊宋衛鄭曹莒邾

于商任

樂盈亂晉出奔會商任錮樂氏

也二十二年春臧孫紇如晉秋七月叔老卒冬公會諸

侯

晉齊宋衛鄭曹
莒邾薛杞小邾

于沙隨

復錮
樂氏

二十三年夏邾畀我

其庶

黨

來奔秋八月叔孫豹救晉次于雍榆

樂盈復
入故

仲孫速

卒冬十月臧孫紇出奔邾

紇為季孫宿立少子紇而廢長子彌仲孫速之卒也

彌詭立速之少子羯而出孺子秩與羯構臧孫紇于

季孫季孫怒攻臧氏

二十四年春叔孫豹如晉仲孫羯侵齊

為晉
報齊

秋公會諸

侯

晉宋衛鄭曹莒
邾滕薛杞小邾

于夷儀

將伐齊
水不克

冬叔孫豹如京師

齊人

城却豹聘
且賀城

大饑二十五年春齊崔杼伐我北鄙報期夏
之侵

五月公會諸侯

前諸侯

于夷儀伐齊齊弑莊公請成許之

秋七月諸侯同盟于重邱二十六年夏晉荀吳來聘

將討

衛

六月公會諸侯之大夫

晉宋鄭曹

于澶淵

衛孫林父逐獻公立殤公剽甯喜弑剽林父以戚叛

晉討衛疆戚田執甯喜又執獻公

二十七年春齊慶封來聘夏叔孫豹會諸侯之大夫

晉楚

蔡衛陳鄭許曹

于宋

宋向戌請于晉楚弭諸侯之兵

秋七月豹及諸侯之大夫

盟于宋二十八年夏邾子來朝秋八月仲孫羯如晉

將告

楚朝

冬齊慶封來奔齊人來讓封奔吳十一月公如楚靈

王崩

經書十二月甲寅從告也

子景王立二十九年公在楚適楚子

辛楚人使公親禭公患之叔孫豹曰祓殯而禭則布幣

也

禮君臨臣喪乃執殯

乃使巫以桃茢先祓殯楚人弗禁既而悔

之

禮弓同

夏六月仲孫羯會諸侯之大夫

晉齊宋衛鄭曹莒滕薛小邾

城杞晉士鞅來聘

拜城杞

杞子來盟吳子杞來聘冬仲孫

羯如晉

報士鞅也

三十年春正月楚遠罷來聘夏五月宋災

共姬卒秋七月叔弓如宋葬宋共姬為宋災故諸侯之

大夫謀歸宋財冬十月叔孫豹會諸侯之大夫

晉齊宋衛鄭曹

莒邾滕薛杞小邾

于澶淵既而無歸于宋三十一年公自楚歸

作楚宮夏六月公薨于楚宮

左傳

在位三十一年謚曰襄

昭公

昭公名裋襄公之庶子也襄公三十一年薨立胡女敬

歸之子子野次于季氏是年秋九月卒

毀瘠滅性

立敬歸之

娣齊歸之子稠是為昭公叔孫豹不欲曰年鈞擇賢義
鈞則卜古之道也非適嗣何必娣之子且是人也居喪
而不哀在戚而有嘉容是謂不度不度之人鮮不為患
若果立之必為季氏憂季孫宿不聽卒立之于是公十
九年矣猶有童心比葬三易哀哀枉如故哀冬十月滕
子來會葬癸酉葬襄公昭公元年春叔孫豹會諸侯之
大夫

音楚齊宋衛
陳蔡鄭許曹

于虢

昇宋
盟也

三月季孫宿伐莒取鄆莒

人告于會楚請戮豹晉趙武請之乃免秋叔弓帥師疆

鄆田二年春晉韓起來聘夏叔弓如晉

報韓起也

冬晉少姜

晉平公妾

卒公如晉晉辭曰非伉儷也公至河乃復季孫宿

致服焉三年夏叔弓如滕

薛滕成公

秋小邾子來朝四年秋

九月取鄆

莒亂不撫鄆鄆叛而來

冬十二月叔孫豹卒五年春正

月舍中軍

襄十一年作三軍今毀之

初作中軍三分公室而各有其

一季氏盡征之叔孫氏臣其子弟

以父兄歸公

孟氏取其半

焉及其舍之也四分公室季氏擇二二子各一皆盡征

之而貢于公公如晉夏莒牟夷以牟婁及防茲來奔莒

人懇于晉晉人欲止公士鞅不可乃歸公秋七月莒人

來討叔弓敗諸蚡泉六年夏季孫宿如晉冬叔弓如楚

聘且弔為
吳所敗

七年楚子成章華之臺願與諸侯落之大宰

遽啓疆來召公春三月公如楚鄭伯勞于師之梁楚子

享公于新臺好以大屈

名弓

既而悔之遽啓疆見公賀曰

齊與晉越欲此久矣君其備禦三鄰公懼反之叔孫婼

如齊蒞盟夏四月晉人來治杞田

恨公如
楚故

季孫宿以成

與之冬十一月季孫宿卒八年夏四月叔弓如晉

賀成
鹿祁

宮秋蒐于紅九年春叔弓及宋鄭衛會楚子于陳

楚滅陳故

秋仲孫矍如齊

殷聘殷盛也

冬築郎囿十年夏齊樂施來奔

秋七月季孫意如叔弓仲孫矍伐莒取郟獻俘始用人

于亳社九月叔孫婁如晉葬晉平公十一年春二月叔

弓如宋葬宋平公夏五月齊歸薨

昭公母

大蒐于比蒲仲

孫矍會邾子盟于祿祥秋季孫意如會諸侯之大夫

齊

宋衛鄭
曹杞

于厥慙

楚圍蔡謀救之

九月葬齊歸公不感十二年夏

宋華定來聘公如晉取郟之役莒人慙于晉晉辭公至

河乃復公子慙遂如晉公子慙與南蒯謀季氏慙從公如晉南蒯以費叛冬十月慙出奔齊十三年春叔弓圍

費弗克秋公會周劉子及諸侯

晉齊宋衛鄭曹莒
邾滕薛杞小邾

于平

邱邾莒邾于晉晉侯不見公使來辭八月同盟于平邱

公不與盟晉執季孫意如以歸冬十月公如晉晉辭公

至河乃復十四年春意如至自晉南蒯奔齊司徒老祁

慮癸未歸費十五年春二月有事于武宮籥人叔弓卒

去樂卒事冬公如晉

平邱之
會故

晉人止公十六年夏公至

自晉冬十月季孫意如如晉葬晉昭公十七年春小邾
子來朝秋邾子來朝二十一年夏晉士鞅來聘秋八月
叔輒卒冬公如晉晉將伐鮮虞辭公至河乃復二十二
年春大蒐于昌間夏四月景王崩立王子猛六月叔鞅
如京師葬景王王子朝攻王猛王室亂冬十月王子猛
卒是為悼王猛弟敬王勾立二十三年春正月取邾師
于離姑邾愬于晉晉人來討叔孫婁如晉晉人執之癸
丑叔鞅卒秋七月莒子庚與來奔天王居于狄泉尹氏

周世立王子朝

敬王謂之東王子朝謂之西王

冬公如晉

為叔孫

及河

有疾而復二十四年春二月仲孫貜卒姑至自晉二十

五年春叔孫婼如宋

聘且為季孫意如逆宋元夫人女季氏強故

夏叔詣會

諸侯之大夫

晉宋衛鄭曹邾滕薛小邾

于黃父

謀王室也

有鵬鵠來巢秋

九月公居于長府伐季氏入之意如登臺而請弗許仲

孫何忌伐公徒公孫于齊次于陽州

左傳

齊侯唁公于野井曰奈何君去魯之社稷公曰喪人不

佞失守魯國之社稷執事以羞再拜顙慶見子家駒曰

慶子免君于大難矣子家駒曰臣不佞陷君于大難君不忍加之以鉄鎖賜之以死再拜顙高張執簞食與四臠脯國夏執壺漿曰吾寡君聞君在外餒饗未就敢致糗于從者公曰君不忘先君延及喪人錫之以大禮再拜稽首以衽受高張曰有夫不祥君無所辱大禮公蓋祭而不嘗景公曰寡人有不腆先君之服未之敢服有不腆先君之器未之敢用敢以請公曰喪人不佞失守魯國之社稷執事以羞敢辱大禮敢辭景公曰敢固以

請公曰以吾宗廟之在魯也有先君之服未之能以服
有先君之器未之能以出敢固辭景公曰請以饗乎從
者公曰喪人其何稱景公曰孰君而無稱公于是噉然
而哭諸大夫皆哭既哭以人為菑以幣為席以輦為几
以遇禮相見孔子曰其禮與其辭足觀矣

公羊

康成注菑周埒垣所以別內外衛威儀也幣車覆簠
卽式也晏子昭公棄國走齊齊公曰君何年之少而
棄國之蚤乎公曰人愛我者吾不能親人諫我者吾

不能用輔拂無一人諂諛者甚衆譬猶秋蓬也孤其
根而美枝葉秋風一至根且拔矣景公以語晏子曰
使是人反國豈不為賢君乎對曰不然夫愚者多悔
不肖者自賢溺者不問墜迷者不問路溺而後問墜
迷而後問路譬猶臨難而鑄兵噎而掘井雖速亦無
及矣

二十六年春三月公至自齊居于郕夏齊侯將納公使
公子鉏帥師從公圍成師及齊師戰于炊鼻秋公會諸

侯

齊莒
杞

盟于鄆陵

謀納
公也

七月晉知躒趙鞅帥師納王公

至自會居于鄆冬十月天王入于成周王子朝奔楚二

十七年春公如齊公至自齊居于鄆秋諸侯之大夫

晉

衛曹
邾滕

會于扈令戍周且謀納公宋衛皆利納公固請之

晉士鞅取貨于季孫辭以難仲孫何忌陽虎伐鄆謀奪

公公徒敗于且知冬公如齊公至自齊居于鄆二十八

年春公如晉次于乾侯

齊甲
公故

二十九年春公至自乾侯

居于鄆齊侯使高張來唁公稱主君

大夫稱主君比
公于大夫也

如乾侯夏四月叔詣卒公以公衍為大子三十年春正月公在乾侯三十一年春正月公在乾侯晉侯將以師納公召季孫意如意如會晉荀躒于適歷荀躒曰寡君使躒謂吾子何故出君意如伏而對曰從君而歸固臣之願也敢有異心夏四月意如從荀躒如乾侯躒以晉侯之命唁公且曰意如不敢逃死君其入也公曰君惠顧先君之好施及亡人將使歸糞除宗祧以事君則不能見夫人已所能見夫人者有如河荀躒掩耳而走曰

寡君其罪之恐敢與知魯國之難子家羈說公以一乘
入魯師公欲從之衆從者脅公不得歸冬邾黑肱以濫
來奔三十二年春正月公在乾侯取闕冬十一月仲孫
何忌會諸侯之大夫

晉齊宋衛鄭曹
莒薛杞小邾

于狄泉尋盟且令

城成周十二月公薨于乾侯季孫意如問于榮駕鵲曰

吾欲為君謚使子孫知之對曰生弗能事死又惡之以

自信也將焉用之乃謚曰昭

左傳

在位二十四年在外八年前後三十二年

定公

定公名宋襄公之子昭公之弟也元年夏六月癸亥昭公之喪至自乾侯戊辰公即位秋七月葬昭公

季孫使役如闕公墓將溝焉不使與先君同榮駕鸞說之乃止而葬公于墓道南孔子為司寇溝而合之昭公出故季孫意如禱于煬公九月立煬宮

煬公伯禽子其廟已毀禱于煬公而昭公死于外故立其宮

二年夏五月雉門及兩觀災冬十月新作雉門及兩觀

三年春正月公如晉至河乃復冬仲孫何忌及邾子盟

于拔四年春三月公會周劉子及諸侯

晉宋蔡衡陳鄭許曹莒邾頓胡

滕薛杞小邾齊

于召陵侵楚夏五月公及諸侯盟于臯鼬五年

夏歸粟于蔡

為楚國故

六月季孫意如卒秋七月叔孫不敢

卒九月陽虎囚季孫斯

意如子

及公父歆而逐仲梁懷殺

公何藐

季氏族

盟斯于稷門之內逐公父歆及秦遄皆奔

齊六年春二月公侵鄭取匡夏季孫斯如晉獻鄭俘陽

虎強使仲孫何忌往報夫人之幣陽虎又盟公及桓公
于周社盟國人于亳社詛于五父之衢冬城中城季孫
斯仲孫何忌圍鄆

鄆貳于齊故

僖翩率王子朝之徒因鄭人

以作亂十二月天王處于姑蘄七年春二月僖翩入于
儀栗以叛齊人歸鄆陽闕陽虎居之以為政秋大雩齊
國夏伐我西鄙九月大雩冬十一月王入于王城八年
春正月公侵齊二月公侵齊夏齊國夏伐我西鄙晉救
我公會晉師于瓦秋九月季孫斯仲孫何忌侵衛陽虎

欲去三桓冬十月順祀先公而祈焉

正閏公僖公之位次欲以取媚辛

巳禘于僖公壬辰將享季孫斯于蒲圃而殺之斯奔仲

孫何忌殺陽越

陽虎弟

陽虎劫公與叔孫州仇伐孟氏陽

氏敗虎如公宮取寶玉大弓入謹陽闕以叛九年夏陽

虎歸寶玉大弓六月伐陽闕陽虎奔齊齊囚之奔宋遂

奔晉十年春三月及齊平夏公會齊侯于夾谷齊人米

歸鄆謹龜陰田叔孫州仇仲孫何忌圍郕

郕馬正侯犯叛故

秋

及齊師復圍郕侯犯奔齊齊人致郕冬叔孫州仇如齊

謝致

十一年冬及鄭平始叛晉叔還如鄭涖盟十二年

仲由為季氏宰將墮三都夏叔孫州仇墮邱季孫斯將

墮費公山不狃

費宰

叔孫輒帥費人以襲魯公入于季氏

之宮登武子之臺費人攻之弗克入及公側申句須樂

頤下伐之費人北遂墮費將墮成公歛陽

成宰

不墮冬十

二月公圍成弗克十三年夏築蛇淵囿大蒐于比蒲十

四年春衛公叔戌來奔

戌富又夫人南子愬之

夏衛北宮結來奔

戊黨也

晉荀寅士吉射叛晉晉圍朝歌五月公會齊侯衛

侯于牽謀救范中行氏秋王使石尚來歸賑宋公之弟

辰自蕭來奔大蒐于北蒲邾子來會公城莒父及霄

助公

范氏故懼而城二邑

十五年春正月邾子來朝夏五月郊壬申公

薨于高寢

左傳

在位十五年諡曰定

哀公

哀公名蔣定公之子定公十五年薨邾子來奔喪秋七月定如薨九月滕子來會葬丁巳葬定公雨不克葬戊

午日下昃乃克葬辛巳葬定如冬城漆哀公元年春正月公即位夏四月郊冬仲孫何忌伐邾二年春二月季孫斯叔孫州仇仲孫何忌伐邾取漵東田及沂西田叔孫州仇仲孫何忌及邾子盟于句繹夏四月滕子來朝三年夏五月桓宮僖宮災季孫斯叔孫州仇城啟陽秋七月季孫斯卒冬十月叔孫州仇仲孫何忌圍邾四年夏城西郭六月亳社災五年春城毗冬叔還如齊閏月葬齊景公六年春城邾瑕

城西郭毘邾瑕皆備晉也

夏齊國夏及高

張來奔

陳乞鮑牧攻之也

叔還會吳于祖秋八月齊邴意茲來

奔

高國黨

冬仲孫何忌伐邾七年夏公會吳于鄆吳徵百

牢與之秋公伐邾八月入邾邾衆保于繹師宵掠以邾

子孟來獻于亳社因諸負瑕八年春三月吳伐我

邾大夫茅

夷鴻愬于吳故

克武城東陽遂次于泗上吳人行成與盟而還

夏五月齊伐我取謹及闡

齊逆季姬季姬通于季魴侯我弗敢與故

六月齊

使人吳請師伐我乃歸邾子益于邾秋及齊平九月臧

賓如如齊涖盟齊問邱明來涖盟且逆季姬以歸冬十

二月齊人歸讙及闡九年冬吳來傲師伐齊

齊與魯平辭師于吳

吳反與魯謀伐齊

十年春二月邾子益來奔公會吳子邾子邾

子伐齊齊弑悼公乃還秋吳來復傲師十一年春齊國

書伐我師及齊師戰于郊左師入齊軍右師奔夏五月

公會吳伐齊戰于艾陵齊師敗績獲齊國書公使大史

固歸國書之元

元首也

寘之新篋製之以玄纁加組帶焉

寘書于其上曰天若不識不哀何以使下國秋修守備

備齊也

十二年春用田賦

邱賦之法因其田財通出馬一匹牛三頭今以邱賦為不足又以田賦之田賦之者家一人也

夏五月昭夫人孟子卒公會吳于橐皋吳請尋盟公辭秋公會衛侯宋皇瑗于鄆與衛宋盟而卒辭吳盟十三年夏公會周單子晉侯及吳子于黃池吳人將以公見晉侯子服何說之乃止既而悔之囚何以還及戶牖乃歸何十四年春西狩獲麟小邾射夫以句繹來奔夏四月叔還卒秋八月仲孫何忌卒十五年春正月成叛于

齊

成寧公孫宿叛

仲孫穰伐成不克遂城輸冬及齊平十六年

春正月衛侯輒來奔夏四月孔子卒十七年冬十二月

公會齊侯盟于蒙齊侯稽首公拜齊人怒十九年冬敬

王崩子元王立叔青如京師二十年夏會齊于廩邱為

鄭故謀伐晉鄭辭秋師還二十一年夏五月越人始來

秋八月公及齊侯邾子盟于顧齊人責稽首

十七年蒙之盟

因

歌之曰魯人之皋數年不覺使我高蹈唯其儒書以為

二國憂

言魯人皋緩據周禮不肯答稽首使齊邾高蹈至此

二十三年秋八月叔

青如越越諸鞅來聘二十四年夏四月晉將伐齊來乞師臧石帥師會之取廩邱公子荆之母嬖立為夫人以荆為大子閏月公如越得大子適郢

與大子相將也

將妻公而

多與之地季孫肥納賂焉乃止二十五年夏六月公至

自越宴季孫肥仲孫蒧于五梧飲酒不樂公與大夫始

有惡二十六年夏五月叔孫舒會越人宋人納衛侯輒

褚師比等逐之

弗克入衛立悼公黜元王崩定王立二十七年

春越后庸來聘且言邾田封于駘上

使魯還邾田封竟至駘上

二月

盟于平陽夏四月季孫肥卒公弔焉降禮

禮不備也

公患三

桓之侈也欲以越伐魯去三桓秋八月公如公孫有山

氏因孫于邾乃遂如越國人施公孫有山氏

施施罪也左傳

國人迎公復歸薨于有山氏

史記

在位二十七年

帝王世紀哀公元甲辰終庚午謚曰哀

悼公 元公 穆公 共公 康公 景公

平公 湣公 頃公

悼公名寧哀公子哀公薨

年表作二十八年在定王二年

悼公即位悼公之時三桓勝魯如小侯卑于三桓之家
悼公十三年三晉滅知伯分其地有之

年表作十四年在定王十六年

二十七年定王崩考王立三十七年悼公薨

年表作三十八年在考王十二年帝王世紀悼公四
十年元辛未終庚戌徐廣注一作三十年又自悼公

以下盡與劉歆應譜合而反違年表其故未詳

子嘉即位是為元公元公五年考王崩威烈王立元公
二十一年薨

年表亦作二十一年在威烈王十八年帝王世紀元
辛亥終辛未

子顯即位是為穆公系本顯作不衍穆公八年威烈王崩安王

立穆公三十三年薨

年表作三十一年在安王二十五年帝王世紀元壬

申終甲辰

子奮即位是為共公

史記世家

共王元年安王崩烈王立公及衛宋鄭君朝魏惠王惠王觴諸侯于范臺酒酣請公舉觴公興避席擇言曰昔者帝女令儀狄作酒而美進之禹禹飲而甘之遂疏儀狄絕旨酒曰後世必有以酒忘其國者齊桓公夜半不噉易牙乃煎熬燔炙和調五味而進之桓公食之而飽至旦不覺曰後世必有以味忘其國者晉文公得南之威三日不聽朝遂推南之威

而遠之曰後世必有以色亡其國者楚王登強臺而望
崩山左江而右湖以臨彷徨其樂忘死遂盟強臺而弗
登曰後世必有以高臺陂池亡其國者今君之尊儀狄
之酒也君之味易牙之調也左白台而右閭須

並美南
人名

威之美也前夾林而後蘭臺強臺之樂也有一于此足

以亡國今君兼此四者可無戒與惠王稱善相屬

策國

共公八年烈王崩顯王立共公二十二年薨

年表作二十五年在顯王十七年帝王世紀元乙巳

終丙寅

子乚即位是為康公

史記世家

楚將伐齊魯親之齊王患之張丐

齊人

曰臣請令魯中立

乃為齊見康公公曰齊王懼乎曰非臣所知也臣來弔
足下君不與勝者而與不勝者何故也公曰子以齊楚
為孰勝哉曰鬼且不知也然則何以弔寡人曰齊楚之
權敵也不用有魯與無魯足下豈如全衆而合二國之
後哉楚大勝齊其良士選卒必殪其餘兵足以待天下

齊勝楚其良士選卒亦殪而君以魯衆合戰勝後此其
為德也亦大矣其見德也亦大矣公以為然乃退師

齊策

康公九年薨

年表作八年在顯王二十五年家王世紀元丁卯終乙亥

子區即位是為景公景公二十三年顯王崩慎靚王立

景公二十九年薨

年表亦作二十九年在慎靚王六年帝王世紀元丙

子終甲辰

子叔即位是為平公

系本叔作旅

是年慎靚王崩赧王立是

時六國皆稱王平公十二年秦惠王卒

年表在赧王四年平公四年

平公二十二年薨

年表作十九年亦在赧王十九年帝王世紀元乙巳

終甲子

子賈即位是為湣公

史記作文

按前有文公不應同謚

湣公七年楚懷王死于秦

年表在赧王十九年湣公立之前一年

湣公二十三年薨

年表同帝王世紀元乙丑終丁亥

子讐即位是為頃公

年表作頃公

頃公二年秦拔楚之郢楚頃襄王東徙于陳

年表湣十八年秦拔郢楚走陳在赧王三十七年

十七年赧王崩周亡十九年楚伐我取徐州

年表傾公十八年取魯魯君封于莒

二十四年楚考烈王伐滅魯傾公亡遷于下邑為家人
魯絕祀傾公卒于柯魯起周公至傾公凡三十四世

家

贊曰韓宣子觀魯春秋曰周禮盡在魯吳公子札觀周
樂有觀止之歎魯國禮樂之國也然自伯御毀防桓逆
莊淫閔僖以下弑君奪適踵相接蕩君臣之檢墮男女

之倫無惑乎昭哀旅食民若固然由來久矣若乃丹楹
刻桷卜郊逆祀築垣自踰莫魯為甚而區區稽首守而
弗失魯人之舉所以來齊人之誚也

尚史卷九